

Aalisarnermut, Piniarnermut Nunalerinermullu Naalakkersuisoqarfik

Piniarnermut Aallaaniarnermullu Immikkoortortaq

Assilineru uunga: Ineqarnermut; Pinngortitamut Avatangiisinullu Naalakkersuisoqarfik

GN j. nr. 40.00.02.45.2013

Ulloq 24. oktober 2013

Qaanaap eqqaani aavertassat qaqugu amerlineqarnissaat pillugu §37 apeqquteqqaammut oqaaseqaat

§ 37-mi apeqquteqqaammut: "Qaanaap eqqaani aavertassat qaqugu amerlineqassappat?"-mut oqaaseqaateqartoqarnissaa Aalisarnermut, Piniarnermut Nunalerinermullu Naalakkersuisoqarfup kissaatigaa.

Aarrit Qaanaap eqqaaniittartut qangaanerusoq piniarfigineqartarsimanagerat pissutaalluni taakku qangatut amerlatigiunnaarsimapput, taamaattumillu amerleriaqqinnissaminut periarfissarissaaraluarput. NAMMCO-p 2010-mi siunnersuina malinneqassappat taavani aarrit amerleriarsinnaanissaminut 70 %-imik periarfissaqarput, taamaallunilu siunissami amerlanerusunik piniarfigineqarsinnaanngussallutik.

NAMMCO-p siunnersuina 2010-miit 2012-imut malinneqarsimavoq. 2013-mi aavertassat qulinik amerlineqarsimapput. Pisassiissutinik 2013-imi qaffaanerup kingunerisaanik NAMMCO-p december 2009-mi nalilersuisimanageri tunngavigalugit (tabeli quppernerup tullianiittoq takuuk) amerleriarsinnaassusiat 50-60%-inut apparipooq. 2013-imi pisassanik qaffaasimanagerup kingunerisaanik siunissami amerliartornissaannut pijuartitsinermik tunngaveqartumik (tassa aaveqassutsimut ikiliartuutaanngitsumik) pisassanik amerlisitseqqinnissamut periarfissat ajornerulerput.

NAMMCO-p aarrit pillugit ilisimatuussutsikkut suleqatigiissitaa november 2013-imi ataatsimeeqqittussaavoq. Ilimagaarput NAMMCO-p ilisimatuussutsikkut ataatsimiititaliaata aaveqassuseq nutaamik naliliiffigiimaaraa, siunnersuuteqarnissamullu innersuussutissatik 2013 naatinnagu naammassiumaaraat. Suleqatigiissitap eqikkaalluni naliliinissarnissai pillugit Pinngortitaleriffiup APNN ataavartumik ilisimatittarumaarpaa, siunnersuutivissarli NAMMCO-p inaaruutaasumillu siunnersuutissat 2014-imi upernaakkut aatsaat ataatsimiittussap suliarissussaavaa.

Qaanaap eqqaani aarrit pillugit siunnersuineq nutaaq 2010-mi kisitsinermik, paasissutissanik piniartut ikiortigalugit 2010-13-imi katersorneqarsimasunik paasissutissanillu piniartut skemanut immikkut nalunaarsuiffinnut allattorsimasaannik tunngaveqarpoq.

Pinngortitaleriffik 2014-imi upernakkut Qaanaap eqqaani aavernik kisitsinissamik pilersaaruteqarpoq.

Malugiuk: NAMMCO-p aaffanniarneq pillugu siunnersuineranut tunngatillugu paasissutissat qupperneq tullermiipput.

Inussiarnersumik inuulluarit

Fernando Ugarte

Miluumasunut Timmissanullu Immikkoortortaq

Tabel 1. NAMMCO-p aaffanniarneq pillugu siunnersuinera.

Kolonne 1-mi takuneqarsinnaavoq aarrit amerliartorsinnaanerat, aavernik kolonne 2-mi takuneqarsinnasutut amerlatigisunik pisaqartoqartarpat (Kalaallit Nunaat Nunavullu ataatsimut katillugit aamma 3 (Qaanaaq kisimi). Soorlu assersuutigalugu Qaanaami aavernik 64-inik pisaqartoqarpat aarrit amerliartornissaminnut 70%-inik periarfissaqassapput. 2013-imi 74-inik pisassiisoqarpoq, taamaalillunilu aarrit amerliartortuarnissaminnut 50-60%-inik periarfissaqalerput.

Aarrit amerliartornissamut minnerpaamik 70%-inik periarfissinnissaat tunngavigalugu NAMMCO pisassat amerlassusissaannik innersuussuteqarpoq (erseqqissumik allanneqarsimasoq). Imaappoq inassuteqaat malinneqassappat Qaanaap eqqaani ukiumut 64-it sinnerlugit amerlassusilinnik aavertoqartassanngilaq. Malugiuk pisat kisitsitaanni kolonne 2-miittumi Canada/Nunavut-mi aamma Kalaallit Nunaanni pisat tamarmiusut ilanngunneqarsimmata. Aamma ilimagineqarpoq aarrit tamarmik naaleqqaarlugit aatsaat aallaaneqartarsimassasut, taamalu aavernik pissaasoqartaranilu annaasaqartoqartarsimanngitsoq.

1	2	3
Aarrit amerliartorsinnaassusiat	Baffin Bugtip avannarpasissua (Qaanaaq aamma Nunavut)	Qaanaami pisat (Nunavumi ukiumut aavernik sisamat missaanniittunik pisaqartoqartarsimanissaa pissaasoqartarsimannginnissaalu naatsorsuutigigaanni)
50 %	83	79
60 %	75	71
70 %	68	64
80 %	57	53
90 %	45	41
95 %	35	31